

## 7. gr.

Reglur þessar eru settar með heimild í 57. gr. barnaverndarlaga, nr. 58/1992, með síðari breytingum og öðlast þegar gildi.

Samþykkt í bæjarstjórn Fjarðabyggðar 20. janúar 2000.

*Félagsmálaráðuneytinu, 25. apríl 2000.*

F. h. r.

**Berglind Ásgeirsdóttir.**

*Þorgerður Benediktsdóttir.*

14. apríl 2000

Nr. 287

## AUGLÝSING

### um breytingu á aðalskipulagi Eyjafjarðarsveitar 1994-2014, Þverá, Höskuldsstaðir og Öngulsstaðir.

Samkvæmt 19. gr. skipulags- og byggingarlaga nr. 73/1997, hefur ráðherra þann 14. apríl 2000 staðfest breytingu á aðalskipulagi Eyjafjarðarsveitar 1994-2014 frá 26. mars 1997.

Breytingin felur í sér breytta landnotkun á hluta þriggja jarða; Þverá, Höskuldsstaða og Öngulsstaða. Breytingin á Þverá felur í sér að á landinu komi golfvallarsvæði í stað opins svæðis til sérstakra nota og opins óbyggðs svæðis. Jafnframt komi frístundahúslóð inn á bændaskógræktarsvæði. Á landi jarðarinnar Höskuldsstaðir komi frístundahúslóð á svæði sem áður var óbyggt opið svæði. Breyting á landi Öngulsstaða felur í sér að 37 ha bændaskógræktarsvæði komi í stað opins óbyggðs svæðis.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Eyjafjarðarsveitar. Skipulagsstofnun hefur afgreitt erindið til staðfestingar.

*Umhverfissráðuneytinu, 14. apríl 2000.*

**Siv Friðleifsdóttir.**

*Magnús Jóhannesson.*

14. apríl 2000

Nr. 288

## AUGLÝSING

### um staðfestingu á breytingu á aðalskipulagi Blönduóss 1993-2013, Arnargerði.

Samkvæmt skipulags- og byggingarlögum nr. 73/1997, sbr. 2. mgr. 21. gr., hefur ráðherra þann 14. apríl 2000 staðfest breytingu á aðalskipulagi Blönduóss 1993-2013 frá 16. mars 1995.

Breytingin varðar afmörkun hesthúsasvæða og félagssvæðis hestamanna og breytist landnotkun að hluta úr óbyggðu svæði í opið svæði til sérstakra nota.